



Embassy of the People's Republic of Bangladesh Tokyo

নং- বিইটি/এডি-৩২৩/২০১০

তারিখ : ০৭ ডিসেম্বর ২০১৮

বিজ্ঞপ্তি

বিষয় : একাদশ জাতীয় সংসদ নির্বাচন উপলক্ষে বিদেশে বসবাসরত বাংলাদেশী ভোটারগণ পোস্টাল ব্যালটের মাধ্যমে ভোটাধিকার প্রয়োগ প্রসঙ্গে।

আগামী ৩০ ডিসেম্বর ২০১৮ তারিখে অনুষ্ঠিতব্য একাদশ জাতীয় সংসদ নির্বাচন উপলক্ষে গণপ্রতিনিধিত্ব আদেশ, ১৯৭২ এর ২৭ অনুচ্ছেদ অনুযায়ী বিদেশে বসবাসরত বাংলাদেশী ভোটারগণের আবেদনের ভিত্তিতে “রিটার্নিং অফিসার তাদের নিকট ডাকযোগে পোস্টাল ব্যালট প্রেরণ করবেন। পোস্টাল ব্যালটের মাধ্যমে ভোটাধিকার প্রয়োগ করে রিটার্নিং অফিসারের নিকট পোস্টাল ব্যালট প্রেরণ করার জন্য যে ডাক মাশুল খরচ করা হবে তা ভোটারগণ নিজে বহন করবেন। তবে তার পূর্বে রিটার্নিং অফিসার ডাকযোগে সংশ্লিষ্ট ভোটারগণের নিকট পোস্টাল ব্যালট পেপার প্রেরণ করবেন। যেহেতু আন্তর্জাতিক বিধানমতে ডাক মাশুল আদায় স্ব স্ব দেশের আওতাভুক্ত সেহেতু নির্বাচন কমিশন সচিবালয়ের পক্ষে বৈদেশিক মুদ্রায় বিভিন্ন দেশের ডাক মাশুল প্রদান করা সম্ভব নয়।”

বিস্তারিত : সংযুক্তিসমূহ





বাংলাদেশ নির্বাচন কমিশন
নির্বাচন কমিশন সচিবালয়

নং-১৭.০০.০০০০.০৩৪.৩৬.০১৪.১৮ (অংশ-১)-৭৫০

তারিখ: ১৬ অগ্রহায়ণ ১৪২৫
৩০ নভেম্বর ২০১৮

বিষয় : একাদশ জাতীয় সংসদ নির্বাচন উপলক্ষে অগ্রিম ডাক মাশুল পরিশোধ না করে পত্র প্রেরণের সুযোগ দান

সূত্র: নির্বাচন কমিশন সচিবালয়ের স্মারক নং- ১৭.০০.০০০০.০৩৪.৩৬.০২০.১৮-৬৬১ তারিখ: ১২ নভেম্বর ২০১৮ (পরিপত্র-৩)

উপর্যুক্ত বিষয় ও সূত্রের পরিপ্রেক্ষিতে জানানো যাচ্ছে যে, আগামী ৩০ ডিসেম্বর ২০১৮ তারিখ রবিবার একাদশ জাতীয় সংসদ নির্বাচন অনুষ্ঠিত হবে। গণপ্রতিনিধিত্ব আদেশ, ১৯৭২ এর ২৭ অনুচ্ছেদে জাতীয় সংসদ নির্বাচনে নিম্নরূপ ব্যক্তিবর্গের পোস্টাল ব্যালট এর মাধ্যমে তাদের ভোটাধিকার প্রয়োগের বিধান রয়েছে:

- ভোটার তালিকা আইন, ২০০৯ এর ধারা ৮ এর উপ-ধারা (৩) ও (৫) এ বর্ণিত ব্যক্তিবর্গ;
- কোন ব্যক্তি তিনি যে ভোটকেন্দ্রে ভোট দেয়ার অধিকারী সে কেন্দ্র ছাড়া অন্য কোন ভোটকেন্দ্রে নির্বাচন সংক্রান্ত কোন দায়িত্ব পালনের জন্য নিযুক্ত আছেন;
- বাংলাদেশি ভোটার বিদেশে বসবাস করলে।

[The Representation of the People Order, 1972 এর Article 27 এবং ভোটার তালিকা আইন, ২০০৯ এর ধারা ৮ এর সংশ্লিষ্ট অংশের কপি সংযুক্ত]

০২। উল্লিখিত শ্রেণির ব্যক্তিবর্গের আবেদনের ভিত্তিতে রিটার্নিং অফিসার তাদের নিকট ডাকযোগে পোস্টাল ব্যালট প্রেরণ করবেন। পোস্টাল ব্যালটের মাধ্যমে ভোটাধিকার প্রয়োগ করে রিটার্নিং অফিসারের নিকট পোস্টাল ব্যালট প্রেরণ করার জন্য যে ডাক মাশুল খরচ করা হবে তা ভোটারগণ নিজে বহন করবেন। তবে তার পূর্বে রিটার্নিং অফিসার ডাকযোগে সংশ্লিষ্ট ভোটারগণের নিকট পোস্টাল ব্যালট পেপার প্রেরণ করবেন। যেহেতু আন্তর্জাতিক বিধানমতে ডাক মাশুল আদায় স্ব স্ব দেশের আওতাভুক্ত সেহেতু নির্বাচন কমিশন সচিবালয়ের পক্ষে বৈদেশিক মুদ্রায় বিভিন্ন দেশের ডাক মাশুল প্রদান করা সম্ভব নয়।

০৩। বর্ণিতাবস্থায়, উপরোল্লিখিত বিষয়সমূহ বিভিন্ন দূতাবাস/হাইকমিশনকে অবহিত করার জন্য নির্দেশিত অনুরোধ করা হলো।

সংযুক্তঃ বর্ণনা মোতাবেক

(ফরহাদ আহাম্মদ খান)

যুগ্মসচিব (নিঃপঃ-২)

ফোন: ৫৫০০৭৫২৫ (অফিস)

০২৭১৫০০০৭৪৯ (মোবাইল)

E-mail: forhadakecs2015@gmail.com

সিনিয়র সচিব
পররাষ্ট্র মন্ত্রণালয়
সেগুনবাগিচা, ঢাকা

অফিসের ঠিকানাঃ

F:\AR.DAS ELECTION\11th Parliament Election\Complite Letter\2018 Postal letter NE.doc

নির্বাচন ভবন, প্লট নং-ই-১৪/জেড, আগারগাঁও, ঢাকা-১২০৭

যোগাযোগঃ

ফোন : +৮৮০-০২-৫৫০০৭৬০০ ফ্যাক্স : +৮৮০-০২-৫৫০০৭৫১৫

ই-মেইলঃ secretary@ecs.gov.bd ওয়েব এড্রেসঃ www.ecs.gov.bd

গণপ্রতিনিধিত্ব আদেশ, ১৯৭২ এর ২৭ অনুচ্ছেদ এবং ভোটার তালিকা
আইন, ২০০৯ এর ৮ ধারার

উদ্ধৃতাংশ

গণপ্রতিনিধিত্ব আদেশ, ১৯৭২ এর ২৭ অনুচ্ছেদ

"27. (1) The following person may cast their votes by postal ballot in such manner as may be prescribed, namely:-

- (a) a person referred to in sub-sections (3) and (5) of section 8 of the Electoral Rolls Act, 2009 (২০০৯ সালের ৬নং আইন);
- (b) a person appointed for the performance of any duty in connection with and election at a polling station other than the one at which he is entitled to cast his vote; and
- (c) a Bangladeshi voter living abroad.

(2) An elector who, being entitled to do so, intends to cast his vote by postal ballot shall-

in the case of a person referred to in sub-clause (a) of clause (1) within fifteen days from the date of the publication of the notification under Article 11, and

in the case of a person referred to in sub-clause (b) of that clause as soon as may be after his appointment.

Apply to the Returning Officer of the constituency in which he is an elector for a ballot paper for voting by postal ballot; and every such application shall specify the name of the elector, his address and his serial number in the electoral roll.

(3) The Returning Officer shall immediately upon the receipt of an application by an elector under clause (2) sent by post to such elector a ballot paper and an envelope bearing on its face a form of certificate of posting, showing the date thereof, to be filled in by the proper official of the post office at the time of posting by the elector.

(4) An elector on receiving his ballot paper for voting by postal ballot shall in the prescribed manner record his vote and after so recording post the ballot paper to the Returning Officer in the envelope sent to him under clause (3) with minimum of delay."

ভোটার তালিকা আইন, ২০০৯ এর ৮ ধারা

"৮। অধিবাসী অর্থ।-(১) অতঃপর ইহাতে ব্যবস্থিত বিধান ব্যতিরেকে, কোন ব্যক্তি সচরাচর যে নির্বাচনী এলাকায় বা ভোটার এলাকায় বসবাস করেন কিংবা যে নির্বাচনী এলাকার বা ভোটার এলাকায় বসতবাড়ী ভোগ দখল করেন কিংবা বসতবাড়ী ও অন্যান্য স্থাবর সম্পত্তির মালিক হন তিনি উক্ত নির্বাচনী এলাকার বা ভোটার এলাকার অধিবাসী বলিয়া গণ্য হইবেন।

(২) কোন ব্যক্তির একাধিক নির্বাচনী এলাকায় বা ভোটার এলাকায় বসতবাড়ীর দখল থাকিলে কিংবা বসতবাড়ী ও স্থাবর সম্পত্তির মালিকানা থাকিলে, ঐ ব্যক্তিকে, তাহার ইচ্ছা অনুযায়ী, যে কোন একটি নির্বাচনী এলাকায় বা ভোটার এলাকায় ভোটার হিসাবে নিবন্ধন করা যাইবে।

(৩) কোন ব্যক্তি সরকারী চাকুরীরত থাকিলে বা কোন সরকারী পদে অধিষ্ঠিত থাকিলে তিনি, যে নির্বাচনী এলাকার বা ভোটার এলাকায় চাকুরীসূত্রে সচরাচর বসবাস করেন সেই নির্বাচনী এলাকার বা ভোটার এলাকার অধিবাসী হিসাবে গণ্য হইবেন, যদি না তিনি অনুরূপ চাকুরীরত না থাকিলে বা অনুরূপ সরকারী পদে অধিষ্ঠিত না থাকিলে যে ভোটার এলাকার বা নির্বাচনী এলাকার অধিবাসী থাকিতেন সেই এলাকার অধিবাসী হিসাবে তালিকাভুক্ত হইবার জন্য রেজিষ্ট্রেশন অফিসার বরাবর আবেদন করেন।

(৪) উপ-ধারা (৩) এ উল্লিখিত অনুরূপ কোন ব্যক্তির স্বামী বা স্ত্রী এবং তাহার ছেলেমেয়েদের মধ্যে যাহারা ভোটার তালিকাভুক্ত হইবার অধিকারী তাহারা যদি সচরাচর অনুরূপ ব্যক্তির সহিত বসবাস করেন তাহা হইলে তাহারা অনুরূপ ব্যক্তি যে নির্বাচনী এলাকার বা ভোটার এলাকার অধিবাসী বলিয়া গণ্য হইয়াছেন সেই এলাকার অধিবাসী বলিয়া গণ্য হইবেন।

(৫) কোন ব্যক্তি বাংলাদেশের কোন জেলাখানায় বা অন্য কোন আইনগত হেফাজতে আটক থাকিলে, তিনি এইভাবে আটক না থাকিলে যে নির্বাচনী এলাকার বা ভোটার এলাকার অধিবাসী থাকিতেন, সেই নির্বাচনী এলাকার বা ভোটার এলাকার অধিবাসী বলিয়া গণ্য হইবেন।

(৬) উপ-ধারা (১) এ যাহা কিছুই থাকুক না কেন, কোন বাংলাদেশী নাগরিক বিদেশে বসবাস করিলে, তিনি সর্বশেষ যে নির্বাচনী এলাকায় বা ভোটার এলাকায় বসবাস করিয়াছেন অথবা তাহার নিজ বা পৈতৃক বসতবাড়ী যে স্থানে অবস্থিত ছিল বা আছে, তিনি সেই এলাকার অধিবাসী বলিয়া গণ্য হইবেন"।